

(Lag: Í skóginum stóð kofi einn.)

A, a, a, hvað amma er góð,
Afi er líka gæðablóð.
Afi segir a, a, a,
Amma svarar: Ha?

Amma segir: Alli minn,
Alli, þú ert besta skinn
Alli segir a, a, a,
Amma svarar: Tja

Aa

(Lag: Þumalvingur, þumalvingur.)

Músin mjúka
Má hún fá
í magann sinn
meiri ost, meiri ost?
m, m, m, m, m, m,

Músin maular
mjúkan ostinn
Má ég fá
mjúkan ost músarost
m, m, m, m, m, m,

Mm

(Lag: Inn og út um gluggann.)

Blása sápuvíkur,
blása sápubólur.
Blása, mása og blása
b, b, b, b, b.

Sjá þær úti svífa
Sjá þær hærra klífa.
Blása, mása og blása
b, b, b, b, b.

Bb

(Lag: Ríðum heim til Hóla.)

Nudda á sér nefið
n, n, n mig kitlar svo.
N, n, n, n, nebbanudd,
núna lagar kvefið.

Nefið er með nasir,
nös og nös, þær eru tvær.
Spegilinn ég næ í nú,
nefið við mér blasir.

Nn

(Lag: Krummi svaf í klettagjá.)

Úti drjúpa droparnir,
Detta og sletta soparnir,
Heyrist í þeim d, d, d,
Þeir detta, sletta og skvetta.

Kiddi og Edda dansa dátt,
d, d, d, þau kalla hátt
Þegar þau heyra þetta,
Já, heyra dropa detta.

Dd

(Lag: Fljúga hvítu fiðrlidin.)

Íris kallar í, í, í,
í hvað þetta er gaman.
Ívar botnar ekkert í,
Í öllu þessu saman,.

Íí Ýý

(Lag: Yfir kaldan eyðisand.)

Úlla hrópar ú, ú, ú,
ú er skráð á spjöldin.
Uglan segir ú-hú-hú
Úti seint á kvöldin.

Úú

(Lag: Inn og út um gluggann.)

Viltu hlusta á vindinn,
varla er hann neitt fyndinn.
Vindurinn að vestan
v, v, v, v, v.

Úti er vonskuveður,
Veðrið engan gleður.
Úti væla vofur:
vú, vú, vú, vú, vá.

Vv

(Lag: Í skóginum stóð kofi einn.)

Jeppinn fór á jökulinn,
Jórunn hún var bílstjórinn,
j, j, spóar jeppinn þar,
Í jökli fastur var.

Jeppinn uppi á jökli sat,
j, j, spólar á sig gat.
Jórunn onaf jökli gekk,
Jeppann vantar dekk.

Jj

(Lag: Göngum göngum.)

Hott, hott á hesti,
Hesturinn minn besti,
Hlauptu og stökktu h, h, h.

Blesi og Skjóna
Reka upp hrossahlátur
Ho, ho, hah, hah, h, h, h.

Hh

(Lag: Klappa saman lófunum.)

Edda hugsar e, e, e,
e, e, e, ég held ég sé
Ekki best í þessu,
Ég er með flest í klessu.

Ee

(Lag: Fljúga hvítu fiðrlindin.)

Ef þú ferð að ulla á mig,
u, u, ljóti Tóti.
U, u, u ég ulla á þig,
ég ulla bara á móti.

Uu

(Lag: Ríðum heim til Hóla.)

Lubbi er að lita,
loftið blátt og gula sól,
Lögguhúfu, lamb og stól,
l, l, l, l lita.

Litar hann og litar
litar grænt og rautt og blátt,
litar dökkt og ljóst og grátt,
l, l, l, l litar.

Ll

(Lag: Þumalvingur, þumalvingur.)

Hænan segir gagga gagg,
Í gogginn fær
grjónagraut, grjónagraut
g, g, g, g, g, g, g,

Haninn segir gaggalagó
Og galar hátt:
Gefðu mér, gefðu mér
g, g, g, g, g, g, g,

Gg

(Lag: Kisa mín, kisa mín.)

Fiðrlidi, fiðrildi,
Flögrar úti í haga.
f, f, f, - f, f, f,
flýgur alla daga.

Fiðrildi, fiðrildi
fýkur úti í vindi.
f, f, f, - f, f, f,
flýgur heim í skyndi.

Ff

(Lag: Fljúga hvítu fiðrlidin.)

Sunna litla uss, uss, uss,
ekki þessi læti.
S, s, s, s, sussu suss,
Sýndu minni kæti.

Ef þú getur ekki hætt
Allir sveia og fussa.
Reyndu nú að sofna sætt,
s, s, ussu sussa.

Ss

(Lag: Yfir kaldan eyðisand.)

Illa hnýtir Indriði
Á sig fína bindið.
Imba flissar i, hi, hi
i, hi, þetta er fyndið

Ii Yy

(Lag: Yfir kaldan eyðisand.)

Oddur segir oho ho,
o, ég þarf að fara.
Olga svarar: So, so, so,
so, so, farðu bara.

Oo

(Lag: Hjólin á strætó.)

Sjáið poppið poppa, p, p, p.
Hoppi-popp skoppi-popp
Poppa, hoppa og skoppa
p, p, p,
Pompa niðrá gólf.

Popp úr poka og potti p, p, p.
poka-popp potta-popp
popp úr poka og potti
p, p, p,
poppar upp í loft.

Pp

(Lag: Göngum, göngum.)

Tromm-tromm trommu.
Tumi slær á trommu,
t, t, t, t
tromm, tromm,
tromm

Trumm, trumm, trumbu,
berjum fast á bumbu,
t, t, t, t
tromm, tromm,
tromm.

Tt

(Lag: Kisa mín, kisa mín.)

Kónguló, kónguló,
Kann svo vel að spinna,
kraftaþráð, k, k, k,
klár er hún að tvinna.

Kónguló, kónguló,
kenndu m+er að vefa.
Komdu nú, k, k, k,
komdu og hættu að þrefa.

Kk

(Lag: Fljúga hvítu fiðrildin.)

Ögn er bæði súr og svekt,
sömuleiðis Össi.
Ö, hvað það er ömurlegt,
ö, ö, segir Bjössi.

Öö

(Lag: Fljúga hvítu fiðrildin.)

Á, á hrópar Ási Sig,
á, á, þvílíkt bjástur.
Á, á, á, ég meiddi mig,
má ég fá þá blástur.

Áá

(Lag: Stóra brúin.)

Upp í lofti þotan þýtur,
þotan þýtur,
þotan þýtur.
Uppi í lofti þotan þýtur
þ, þ, þ, þ, þýtur.

Þórður upp í loftið lítur,
loftið lítur,
loftið lítur.

Sér þar hvernig þotan þýtur
þ, þ, þ, þ, þýtur.

Þþ

(Lag: Hann Tumi fer á fætur.)

Börnin renna sér og róla
oig reyna að flýta sér
og þau rugga, rúlla og góla
í rigningunni hér.

Já, þau róla sér og renna,
renna á skautum hér.
Já, þau róla sér og renna
r-r-r-r-r-r.

Rr

(Lag: Lóan er komin.)

Vitið þið það hvernig lúðunni líður?
Lúðunni góðu sem þið hafið séð.
Meðan hún niðri á botninum bíður.
Böðuð í vaðandi ð-ð-ð-ð-ð.

Lúðan í stuði er boðin og búin,
bíður um eitthvað að dúða sig með.
Niður á púðann svo liðast hún lúin,
loðmælt og suðandi ð-ð-ð-ð-ð.

Ðð

(Lag: Nú skal syngja um lömbin.)

Sögin er að saga,
að saga er hennar fag,
hún er að saga og saga,
hún sagar oft á dag:

Sag-sag, sag-sag-SAG.
Sag-sag-sag, sag-sag-sag-sag-sag.
Sag-sag-sag, sag-sag-sag-sag-sag.
Sag-sag-sag, sag-sag-sag-sag-sag.
Saga og saga í dag.

Mjúka Gg

(Lag: Fljúga hvítu fiðrildin.)

Þegar Ævar æjar sér
enginn fær að hlæja.
Æ, æ, segir Ævar hér
æ, æ, æ, - æ, jæja.

Ææ

(Lag: Fljúga hvítu fiðrildin.)

Einar segir vei, vei, vei,
Vei, ég heyri meira!
Eyvi segir sei, sei, nei,
Segðu ekki fleira.

ei ey

(Lag: Það búa litlir dvergar.)

Við hjólum öll með hjálmana
hj, hj, hér.
Hjördís hjálpar Pálma,
Hver hjálpar mér?
Hj, hj, hér við hjólum öll
með hjálmana um víðan völl.
Hjalti er á hjólinu með hjálm á sér,
allir bara hjóla og hjóla
hj, hj, hér.

hj

(Lag: Klappa saman lófunum.)

Hlaupa út í hlöðuna,
Hlamma sér í töðuna,
hl, hl, hl, hl, hæja,
Hlöðver segir: jæja.

Hlaupa úti á hkaðinu,
Hlæja að skrípablaðinu,
hlaupa bara og hlæja,
hl, hl, hl, ojæja.

hl

(Lag: Litlu andarungarnir.)

Hringjum oní Hrútafjörð
hring-hring, hring-hring, hring,
hring-hring, hring-hring, hring.
Hringjum í hann Hreiðar
Hringa-ling, hringja-ling
Hringjum í hann Hreiðar
hr, hr, hringa-ling.

Hringjum svo í Hrafnhildi
hring-hring, hring-hring, hring,
hring-hring, hring-hring, hring.
Loks í Hrund og Hreggvið
Hringa-ling, hringja-ling
Loks í Hrund og Hreggvið
hr, hr, hringa-ling.

hr

(Lag: Bjarnastaðabeljurnar.)

Kisa hnuplar hnyklinum,
hnoðar hann í klessu,
hnusar hún af hnyklinum
og hnerra fær af þessu.
Hnerri-hnerri-hnerr,
hnerri-hnerri-hnerr,
hnerrar hún hn, hn, hnerr.

hn

(Lag: Yfir kaldan eyðisand.)

Ótal sinnum ó, ó, ó,
Óli var að góla.
Heyrir enginn ó, ó, ó,
ó, ó, ó frá Óla

Óó

(Lag: Yfir kaldan eyðisand.)

Auðunn er að sauma saum,
saumar daga og nætur.
Voðalega er Auður aum,
au, au, au hún grætur.

Au au